



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Conivgio Doctrina

Wigand, Johann

Jhenæ

VD16 W 2745

I. Ex Dicto Veteris Testamenti.

urn:nbn:de:hbz:466:1-36207

DE CONIVG.

- ra, magis regnant, & pro nullis peccatis repu-
tanur. Debet enim iusto Dei iudicio, fornica-
ribus spiritualibus adiuncta esse fornicatio corpo-
ralis.

ARGUMENTA PON-
TIFICIORVM, CON-
tra sacerdotum con-
iugia.

I.

EX DICTO VETERIS
Testamenti.

Mundamini qui portatis vasa Domini.
Esa: 52. Ergo sacerdotibus omnibus in novo Te-
stamento, prohibitum est honestum Coniugium.

Respondeo. Nego consequentiam, quia est
fallacia Elenchi, hoc est, Antecedens nihil dicit
de Coniugio. Ergo consequens inepie atq; insul-
se attexitur, hoc est nulla est coherentia. Vi-
autem illusio magis pateat veritatem inquiren-
tibus, tota argumentatio oculis subiciatur.

*Qui debent esse mundi, non debent uxores
honestas duocere.*

Sacerdotes debent esse mundi:

Ergo

SACERDOTVM.

Ergo sacerdotes non debent uxores honestas ducere.

Respondeo. Maior nuptiam extat in sacris literis. Imo est principium Diabolicum Apter. & eop. Nam creatio & ordinatio Dei, manifeste hoc refutant. Voluit enim primos homines esse Mundos Deus, & condidit eos mundos, hoc est, absq; omni peccato, & tamen Matrimonio eos copulauit, & hanc sententiam ante Euam conditam proseri: Non est BONVM hominem esse solum, faciamus ei ADIVIORIVM. Et Adam iuncta sibi, manu Altissimi Dei uxore, hanc legem roti posteritati tanquam summus sacerdos, dedit, ERVNT DVO IN CARNEM VNAM, nec excipit ullos homines, quos quidem Deus ad Coniugium idoneos condidit. Et quod ista vox etiam in novo Testamento valeat, sacerdos Christus eam publica voce repetit Matth: 19. Nec ibi discernit vocationes, aut Ordines hominum.

Imo refutat Maiorem etiam, perpetua & pia consuetudo in veteri Testamento. Nam non solum sacerdotes & patriarchae, antea constitutio nem externi sub Mose, Verum etiam postea, usq; ad Christum salvatorem, coniuges honestas habuerunt, & liberos educarunt, id quod insciari nemo potest.

T

Equidem

Ergo

DE CONIVG.

Evidem quartum praeceptum, Mundici
em praecepit. Sed in eo Coniugium firmatur, absq;
omni discretione ordinum. Non enim inqui:
Sacerdotes, non debent esse pares aut matres,
Non debent habere liberos ex honestis uxoriibus.
Imo hoc praeceptum sancit Coniugium inter om-
nes gentes & homines, nisi Deus peculiaribus
domis & vocationibus, aliquos excipiat.

Sed inquis: Novi Testamenti sacerdotes
excipiuntur? Respondeo. Et cur sacerdotes novi
Testamenti debent esse mundiores sacerdotibus
Veris Testamenti? Imo hoc dictum proprium
est de sacerdotibus Mosaicis. Nam hi debue-
runt esse mundi, & tamen vixerunt in coniugio
honesto.

Propterea considerent p̄ij manifestam strui-
calumniam verbis Esaie. Nam is praecepit sacer-
dotibus Domini, vi non solum extensis r̄nibus
se purgant ac praparent, ad amplectendū Mes-
siam, sed eriam ut fide eum cognoscant, accipi-
ant, & doctrinam Euangeliū late spargant. Hinc
inquit: Quād speciosi pedes super montes, an-
nunciantis & prædicantis pacem, annunciantis
bonum (ista describunt Euangeliū vocem) pradi-
cantis salutem, dicentis ad Sion: Regnat Deu-
sus, (hoc est Messias venit) Cap: 52. Psal: 2.

Hab

SACERDOTVM.

Hec est illa vera & propria mundicies, quād
propheta eo in loco exigit.

Quenam igitur est satuitas, coniratane
clarum textum garrire, Mundamini, in contio-
ne ista prophetica idem esse, quod abiurare con-
iugium honestum in sacerdotio? Quis tam mon-
frosa & insana non horret, non detestatur? At-
tamen spiritus Antichristi, hisce præstigijs adhuc
ludificatur homines.

Vanitatem & maliciam talium imposta-
rum, adhuc planius inspice. Sic etiam surgit
Argumentum:

Mundicies est, coniugium honestum
prorsus per omnem vitam abiurare, sine peculi-
are Dei ad eam rem donum habeas, sine non.

Sed sacerdotes debent esse mundi.

Ergo sacerdotes prorsus debent abiurare ho-
nestum coniugium.

Respondeo ad Maiorem, quis inter Ethni-
cos, nedum inter Christianos, eiusmodi delira-
mentum probare potest? Dielat ratio Natura-
lis, Coniugium, ubi mas & femina honesto fœ-
dere copulantur, & una vivunt, esse ordinatio-
nem Des, qui adhuc hodie in mundo virumq;
sexum pro sua benevolentia & omnipotencia

T 2 condit

DE CONIVG.

condit, non conditurus utrumq; sexum, si coniugium honestum esset immundicies, hoc est, quidam cum sua voluntate non conueniens. Nam hoc est principium immoium: Deus non condit immundiciem, nec delectatur immundicie. Esi autem labes accessit ad suum opus, & ea labes in hominibus per parentes naturales propagatur, tamen Deus non est creator istius labis, nec cuius approbator. Creat ipse substantiam hominis, sed non creat immundiciem in substantia hominis, quia ea est ex hominibus, ut alias copiosius explicatur.

S. Paulus inquit: Honorabile esse coniugium, & thorum immaculatum. Hebre: 13. Et iubet coniuges sibi inuicem DEBILIVM reddere. 1. Corinth: 7. Sed tantus Apostolus, nequam iubet immundiciem.

Mundicies itaq; Christiani hominis, siue ille sacerdos sit, siue laicus, est remissio peccatorum per fidem in Christum, & renouatio christiana per Spiritum sanctam, ut timor Dei, innocuo, celebratio Dei, dilectio proximi &c. fugere peccata & scandala, & in sua vocacione pia, Deo seruire & hominibus. Impurus autem cælibatus, intus flammis libidinum prurientibus, & foris membris sese polluentibus, visuatu

duo

SACERDOTVM.

*An &c. Non est mundicies, sed est balneum
Diaboli, & palus infernalis, omni spirituali &
corporali mundiciei contraria.*

*Addo & istud. Quis unquam dixit solos
sacerdotes Mundos esse debere? An non tota Ec-
clesia Dei alias praeципiunt, ut sint mundi, iux-
ta dictum: Sancti esto, quia ego sanctus sum.
Ergo iuxta Dialetticam Antichristi omnibus
membris Ecclesia Christi prohibetur honestum
coniugium. Extra controversonam enim est, quod
non requiratur maior sanctitas in sacerdote
quam in quolibet Christi membro. Differunt
quidem Vocationes, & opera vocationis, diffe-
runt & dona, sed unus omnium est Christus,
una doctrina, unus baptismus, una iusticia per
fidem, unus sanctificator Spiritus sanctus, una
vita eterna, ac Spiritus Dei operatur, ubi,
quando, & quantum vult. Inde si, ut sutor ali-
quis interdum plus pietatis habeat, quam Ere-
mita. Agricola, plus sanctitatis interdum habe-
at, quam sacrificulus aut Episcopus. Quia san-
ctitas & Mundicies non sunt ullum hominum
ordinem alligata. Spiritus, ubi vult spirat, i-
quit Christus Iohann: 3.*

II.

RATIOCINATIO.

X 3

Sacerdo-